

۱ شعبان ۱۳۳۲

پنجشنبه

۱۹ حزیران ۱۳۳۰

تلفون ۱۰۹۷

امور اداره و تحریریه و اعلانات و سائرہ
ایچون مدیر مسئولہ مراجعت ایدلیدر .
عرفای امتک مقالات متصوفانہ لرینہ
جریدہ صوفیہ نک صحیفہ لری آجیقدر .
درج ایدلیان اوراق اعادہ ایدلز .

جریدہ صوفیہ

شیمدیلک هفته دہ بر نشر اولنور .

نسخہ سی ۴۰ پاره در .

ابونہ سی : بر سنہ لک اعتبار بلہ ممالک عثمانیہ
ایچون بشین اولہ رق ۴۰ آلتی آیلنی ۲۵
غروش و ممالک اجنبیہ ایچون اوزا یکی فرانقدر

محل اداره باب عالی جوارنده ابوالسعود
جادہ سندہ نجم استقبال مطبعہ سی

عدد — ۹۷

تصوفی ، دینی ، اخلاقی ، ادبی ، سیاسی جریدہ اسلامیہ در .

سنہ — ۲

— بو ، عربی بزه حکمدار اوله حق ؟ دیمه به باشلادیلر .

پاپاس ، عمروک کندیسنه اولان خدمت و انسانیتی آکلاندی و تعهد ایندیکی ایکی بیک دینارک تأدیه سی ایچین اهانیک معاوتنه مراجعت ایندی .

اغانه مقداری ، ایکی بیک دیناره بالغ اولونجه اولنری عمروه تسلیم ایددرک یول آزیغنی ده تدارک ایلهدکدن سوکرا یانلرینه برقلاوز قاتوب مسافرلرینی قدسه کونده ردی .

عمرو ایله آرقه داشنک مصر سیاحتی برآی سورمشدی . قدسه عودتلرنده حجازلی رفیقارینه ملاقی اولدیلر و برلکده مکّه مکرمه به کیتدیلر .

عمرو ، آلدینی ایکی بیک دینارک یاریسنی ، وعدی موجنبجه آرقه داشنه ویردی . بیک دیناری ده کندییی ایچین سرمایه اتخاذا ایددرک داها فضله تجارتلره کیریشدی .

ایشته بو سیاحتی اتناسنده مصرک مدخل و مخرجنی و سکنه سنک اخلاق و طبایعی اوکره نمش و یکنه کیردن طوب حقه کی اعتقاد محلینک حقیقت شکلی آلماسنی تمی ایتکده بولونمشدی .

بوندن باشقه (لفتح علیکم بعدی مصر فاستوصوا بقبطها خیراً فان لکم منهن صهراً و ذمّة) حدیث شریفندن خطّه مصریه نک فتح اولوناجغنی آکلامش و فاتحانک شرف و افتحاری قازانغی هوسنه دوشمشدی .

بو هوس سائقه سیاه مطالبات متا دیده بولونوب عمرو الفاروق حضرتلرندن مساعده استحصال ایندی و (عک) قیلهدن ۴۰۰۰ کیشی یه قوماندان اولارق مصر اوزرینه یورودی .

خلیفه حضرتلری ، عمروه اذن و یرمکه برابر تردد دن قورتولامدینی جهته قوماندانک انشای حرکته :

— هایدی کیت . فقط عزیمتک حقنه استعاره ایده حکم و طرز حرکتکی برمکتوبله بیلدیره حکم . بومکتوب ، عودتک حقنه اولور و مصر قلمه سنه کیرمده دن اولالکه ده کرسه دون ، کل . یوق ، مصره دخولکدن سوکرا واصل اولورسه مستعیناً بالله ایلرله . تنبیه اتنده بولوندی .
طاهر المولوی

ادبیات

لوحه نیاز

ای جلیل الشانم عبدالقادر قدرتقرین
ای جلائل پرورم ، یرم معالی آفرین

حیّ وقادر قدرتندن و یردی فرمتالکه

پیشدار موکب رفرف سن اولدک بایقین

شوق پروازک ، نیازک ، عز و نازک سیرایله

اولدی حیرانک سنک مهمان رب العالمین

برق اوران پیش برانده اوچان کیمدر دیدی

باز الاشهب سرینی بیلدیردی جبریل امین

امتدن ، خاندان دولتندن اولدوغک

آکلادی فوق السما فخرایتدی فخرالمسلین

دوغماندن سن بویله ایتدک اعتلا عرش اوسته

نور برنور اولدک ای پیرایه مهد زمین

شاهد و مشهود اسراسک ، شب آرای وصال

اولماسینمی وصف پاکک ذیل معراج کزین

وارث فیض التیسک ، نور عین مرآضا

قطب ربانی ، بدیع النور ، بدرالعارفین

پایه پاک نه قدسی پایه درکه اتقیا

پایکی تحیلاً اولدی مقتدای متقین

انس و جن مسحور فیضک ، حضر مشتاق لبک

ای فضائل منعی فضلك هو الفضل المبین

اک کوچوک برجلوه لطفکله ای عالینظر

رهزن اولدی رهنا و یردی سمک درتمین

سده پاککده سعدی چاکرک ایلر نیاز

مستظل ظلك اولسون یاغیاث المستعین

ازمیردن : معلم سعدی

— تاله —

صنع دست لم یزلدر هم زمین هم آسمان

احسن تقوی یی یاپش برلباس فانیان .

کفری ده ایمانی ده قلمش اساس امتحان

عقلی ده احصان بیورمش حضرت خلاصه جان !

مصدر آثاریدر حکم و قضا ، امر قدر .

خلق و ایجادیلدر صفوت فرح قسوت کدر

جسم آنکدر روح آنکدر هم یاقار هم عفواید

عین عدلدر جهنم مخض فضیلدر جان

امرینک منقادیدر مهر و قمر ارض و سما !

بی غرض قهاردر ، غفاردر بی ارتشا !

ذات حق از هر جهت وارسته جون و چرا

حکمت یجد واحصا اقتداری بیکران